

CONCURS LETERAR „SCRIBO“



Art. 1

La Repartiziun Cultura y Intendënza ladina scrí fora n concurs leterar. I tesć dá jö mëss ester originai, scric por ladin y ne pó nia bele ester gnüs publicá. Al vëgn azeté operes scrites te dotes les variantes dles valades dl Sela. Les traduziuns de operes bele publicades te d'atri lingac ne vëgn nia azetades. Pro le concurs pó gní dé jö operes che fej pert dles seziuns prosa y teater.

Art. 2

Le concurs leterar é partí sö te dotes seziuns:

junior: por auturs y auturies jogn (danter 16 y 25 agn);

senior: por auturs y auturies de passa 25 agn.

Art. 3

Che che tol pert al concurs mëss dé jö cina ai 31 de ma dl 2018, dales 12.00, na copia de so laur pro le secretariat dl concurs. Le laur pó gní ortié tres lëtra racomanada cun avis de recioiüda (al vel la data dl timber dl ofize postal) o tla forma digitala a chësta misciun

culturayintendenzaladina@pec.prov.bz.it.

I tesć che vëgn ortiá ite massa tert ne pó nia gní azeté, ince sce l'intardiada depënn da de majeres forzes. Vigni autur/Vigni auturia pó ma dé jö öna n'opera.

Art. 4

Al mëss gní dé jö tl secretariat dl concurs n injop stlüt cun scrit lassura „Concurs leterar“ y laite mëssel ester:

1. na coperta stlütta cun l'opera sön papier y tl format digital; l'opera mëss ester anonima, chël ó dí che al ne pó nia ester la sotescriziun o val' ater sëgn lassura. Sön la coperta él ma da dé dant la seziun (junior o senior);
2. ciamó na coperta stlütta cun na domanda sön cherta bolada de 16,00 euro cun chëstes indicaziuns dl autur/dl'auturia: l'inom, le cognom, la misciun, le post y la data de nasciüda, le codesc fiscal, la misciun e-mail, le numer de telefon y na detlaraziun che l'opera é süa y che ara n'é nia bele gnüda publicada o dada jö a na ciasa edituria.

Sce l'opera vëgn ortiada digitalmënter, vëgnel perié bel da ortié i documënc te file despartis.

Art. 5

Por vigni seziun vëgnel preodü dui pesc:

junior: seziun por auturs y auturies jogn (16 - 25 agn)

pröm pest: 3.000,00 euro

secundo pest: 2.000,00 euro

senior: seziun por auturs y auturies de passa 25 agn

pröm pest: 3.000,00 euro

secundo pest: 2.000,00 euro

Les somes ti corespogn ai imporc netto.

Art. 6

La iuria tolará na dezijiun en presënza de altamo dui terzi de sü comëmbri. Tl caje de parité dles usc é la usc dl presidënt/dla presidënta dezisiva. La iuria chiriará fora les porsones che davagna aladô de na dezijiun incontestabla y scriará tl protocol les motivaziuns dla dezijiun.

La iuria se tëgn la poscibilité da ne dé ca degun pest, sce les operes ne ti corespogn nia ales condiziun stabilides. Implü sarál la iuria che fajará fora ci operes publiché.

Art. 7

La partezipaziun al concurs comporta l'azetaziun de chësc regolamënt y la zesciun automatica di dërc d'autur ala Provinzia de Balsan. Implü pó la Provinzia de Balsan lí dant publicamënter toc dl'opera tratan süa presentaziun. Por chisc dërc ne ti vëgnel dé degun compëns ai auturs/ales auturies dles operes publicades.

Secretariat dl concurs:

Provinzia autonoma de Balsan, Repartiziun Cultura y Intendënza ladina,
39100 Balsan, strada Bottai 29

Tel. 0471 /41 70 20/21

culturayintendenzaladina@pec.prov.bz.it

Porsona de referimënt: Barbara Perathoner



SCRIBO